



Mamautari Newsletter

MFMRD Bairiki, Tarawa P.O Box 64 Phone no: 21099 Fax no: 21120

Volume 2 Issue 20 27th July 2010

Kanoan am Beeba iteranibaa

- Bwaa ni mwakuri man te KAP 2 5
- Karikirake iaon Auti ni Kamwaitoro 6
- Ana Maritime Boundary Kiribati 4
- Kabungakin te Bun 3
- Ana boutoka Fisheries nakon ILO 2
- Bwaa ni mwakuri man te KAP 2 5
- Karikirake iaon Auti ni Kamwaitoro 6

Rongorongo aika kimototo

Kanoan am Beeba... iteranibaa

- Ana kataneiai Aranteiti Tekiau 3
- Am kareke tianti 4
- Reitan am kareke tianti 5
- Te Kauring ibukiia Taan Akawa 6

Bwain mwakuri ibukin nooran Climate Change I taari ao I mataniwiin te aba man KAP 2 nakon Te Botaki n Akawa



Man te maing., Raikaon Tumo te Principal Officer I Tanaea, Ribwanataake Awira-Tia Koroboki MFMRD, Kautuna Kaitara– Project Manager KAP 2. Rongorongona n itera n baa 5

Kaetakin tian ana marawa Kiribati i Taari- Ana Maritime Boundary Kiribati



Kaain te tiim - man te maing, Andrick Lal, Emily Arttack, Tiure Torua, Maroieti Ratieta, Tentao Takaio, Romano Reo, Mark Peters, Tion Uriam, Tiaotin Enari, Rutebwa Tibwaua, Nangiru Manika. Noora rongorongona n itera n baa 4.

FISHERIES DIVISION

Te Botaki n Akawa e boutokaa ana waaki Te Tautaeka are e buokaki iroun Te International Labor Organization (ILO) ibukin karikirakean aroia Te Roro n Rikirake bwa ana kona n mwakuri ao ni karikirakei bwaai ake a reke bon mai Kiribati ibukin aia kareke tainti,



Te waaki are waakina ngkai te Tautaeka rinanon te Reibwa ao Karikirakean Aia Konabwai Taan Mwakuri ni buokaki iroun te International Labor Organization (ILO) bon karekean aia bitineti te roro ae tabe n rikirake ngkai e bon kakoauaaki bwa e tabe n rikirake aki taun te mwakuri ni kabotauaki ma mwatiia ataei ake a otinako man te reirei ni katoa ririki.

Te kantanninga n te waaki aio bwa a na waantongaaki ao n reiakinaki roro n rikirake man kaawa ke n aaro ake a tuai n reke aia mwakuri taian karikirake n aron te ununiki, karaoakin amwarake man te ika n aron te fish ball, tuna jerky ao a mwaiti riki, te kaabenta (Carpentry), te Mwakaeneke, karaoan te iti, aron tararuuan aia bitineti ke managing small businesses. Man reken rabakauia akanne ao ana bon kona n tei iaoni waeia i bon irouia ao n waakina aia bitineti.

Waaki n anga reirei iaon rabakau

akanne a bon bane n kairaki man taabo ni mwakuri aika kakaokoro ao ai n raonaki iroun te Botaki n Akawa.

E moanaki te karikirake aio bon iaon moa Tarawa ao Butaritari ngaia ngkai te moan aba mai buki ae e a tia n waakinaki naba iai.

N mwanagan Ngutu Awira ana aomata te ILO nako Butaritari n raonaki ma taan reirei inanon wiiki aika nako ao e a kabotoaki te anga reirei iaon te aro ni bitineti, ai moara riki iaon abamakoro ake e memere iai te karikirake. E bon karaoaki naba te kataneiai iaon te ununiki ao te fisheries ngkai akanne moa bwaai aika a kona n karaoaki n te abamwakoro anne. Taan reirei ake a rekereke ma te kataneiai aio bon Nei Rota man te Ununiki.

Tuake Teema man te Fisheries i Tanaea are ngaia ae ira te mwananga aio.... ..reitana n te atai....

ao e a moana ana anga reirei man te Fish Handling ke kawakinan te ika ngkai anne te moan bwai ae rangi n kakawaki bwa ana rabakau moa aomata aron kawakinan aia ika imwaain are ana karaoia nakon te fish ball, te tuna jerky ke tabeua riki. E katuruturu riki Tuake bwa aaki kona n raoroi aia karikirake ngkana e aki raoroi irikon ke boin aia iika are e na kona n manga karika te aoraki nakoia taan kabooi.

Ana kauoua n anga reirei ao e a karaoia iaon karaoakin te fish ball. N ana anga reirei aio ao e a reke aia tai n kakatai iaon kabonganaan amwaraken Kiribati bwa aia rengarenga. Aio ngkanne are e a nooraki iai bonganan te itera are te ununiki ngkai e kona naba n kabonganaaki te bwabwaia bwa onean mwiin te carrot, te vinegar e oneaki mwiina n te beneka ni Kiribati, te baa ni kai ao a bon mwaiti riki. (Noora am koonna n kareke tiantii ibukin karaoan te fish jerky).

Imwiin reiakinaiia te roro n rikirake ake a tia n ira ana waaki te Reibwa ao Karikirakean Aia Konabwai Taan Mwakuri aio ao iai te mwane are a na anganaki ae aki raka iaon \$5,000 bwa ana karikirakea ao te Reibwa ao Karikirakean Aia Konabwai Taan Makuri bon ngaia are e na tararuai aron karikirake akanne.

“Fish Handling e rangi n kakawaki moa imwaain ae ko na bitinetiia am iika”, ana kabwarabwara Tuake Teema



FISHERIES DIVISION

abamakoro tabeua ike ana manga waakina aia kakatai iaon naba kakaiwakin te Bun.

Aio teuana ana waaki ni kakamwakuiri te Botaki n Akawa ngkai e kakoaua bwa te Bun bon teuana mai buakon marin taari ae rangi n anaaki bwa te amwarake ao te kareke tianti riki irouia te bota n aomata iaon Tarawa ao e kakoaua naba te Botaki n Akawa bwa e rangi n kai bane ke ni keerikaaki mwaitina ngkana e kaoti n taabo tabeua i taari ibukin anaakina ae rangi n korakora ai ngaia are e a waakina ana iango aio Te Botaki n Akawa bwa buokan naba karekean te maeu ma te tianti mai taari.

E nang manga kabungaki te Bun irouia kain te Fisheries i Tanaea



Aranteiti Tekiau ma te tia kaneweaba n te New England Aquarium I Boston Amerika.

Aranteiti e mena ngkai I Amerika n karaoa ana kataneiai iaon aanga riki ni kakae i taari (Survey methods) ake ana kona n manga kabonganai kain te Fisheries are I Tanaea ngkana e oki.

E na tiku iaon Amerika n karaoa ana reirei inanon te maan ae onoua te wiiki.

E a tia ngkai n wawakina ana iango te Fisheries are i Tanaea bwa a nang manga kabunga te Bun irarikin are a bon tia n taneiai ni kakaraoia mai mwaaina are kabungakin te Bwaeo ao te kereboki.

E nakoraai aron kabungakin te Bwaeo ma te kereboki n akea aia kanganga iai ai ngaia are a manga iangoa kabungakin te Bun ngkai e nooraki kainanoana ae korakora ibukin te amwarake ao te kareke tainti naba ioan Tarawa teinainano ao abamakoro tabeua ake a tia n taketenaki bwa e na karokoaki iaona te kakatai aei.

Aio ai bon tibwa ana moan tai n kakatai iaona te Fisheries are i Tanaea iaon kabungakin te Bun ma aia katautau kain Tanaea iaona bwa e na bon akea te kanganga iai ngkai e na bon tiitebo aron kabungakina ma te Bwaeo ao te kereboki ao ngkai e a tia n nooraki nakoraoin kabungakin kaubwain taari aikai, are nanona bwa e na bon akea naba te

kanganga n kabungakin te Bun.

Ngkana arona bwa e otinako mwiin te kaabung aio bwa e nakoraai, ao mai ikanne are e a moanaki naba moa kabwaakiiia iaon Tarawa Teinainano ma Betio ao Teinaiaeta n te aro bwa ana kona n manga bon kaabung ni kamwaitiia riki ngkana a kabwaaki i taari. Irarikin ana waki n kaabung Te Fisheries aio ao iai naba ana iango bwa n te tai are a kabwaaki iai Bun aikai i taari ao e na kainii moa taabo akanne Te Fisheries bwa e naaki anaaki moa te Bun iai ke ni karika te tabo anne bwa te Marine Protected Area (MPA). E na anganaki ana tai te Bun n kaabung n te aro bwa e na tau ao n teimatoa n reereke. Aio ana kai ni baire Te Fisheries ngkana arona bwa e a nakoraai aron te kakatai aio.

N nakoraoin naba te karikirake aio ao iai ana babaire te tabo n akawa bwa e na manga karoko iaon

.....reitana n te maing.....

Am kareke tianti



are ko a tia n katauraioia ao koa kato-katokai naba iaon am ture ke te bai are kona tatawa iai, ngkana ea mwau ao are koa karinii naba nakon te bu-raetitiki ao n tauraai nakon te kabooaki nako..

Bwaaia aika kainanoaki ibukin katauraoran am rengarenga are kona kaboboa ma am ika:

100ml. white vinegar
100ml. soy sauce
1 te buun are uarereke te taoro
1 te buun are uarereke te kaariki (minced garlic)
¼ te buun atinamoto
1 te buun te tioka
2 mwakoron te lemon aika a bon tau buburaia

Karaoakin te rengarenga:

- Rengana te vinegar ao te soy sauce, ikota te kariki ma te tioka.
- Korekorea te lemon nakon uaitera ao ongira ranna, kaboboa raoi ao n ikotia ma te atinamoto.

Ana kanoa riki Te Mineral Unit

Bwaaia ni mwakuri man te KAP 2 nakon te Botaki n Akawa

Bwaaia ni mwakuri ake a tiainaaki bebwaia iroun Te Tia Koroboki man te Botaki n Akawa ae Ribwanataake Awira bon bwaaia ni mwakuri ake ana kabonganaaki ibukin kateimatoaan te tutuo nakon taari riki iaon te Ane

(Coral Monitoring) ma Mataniwiin te Aba (Coastal Monitoring) are ana kona n kaotii bwa iai rootakiaa n bibitakin kanoan boong ke e akea.

Bwaaia ni mwakuri aikai a bon kaboaki man te Kiribati Adaptation Project 2 (KAP 2) bwa buokan ka-toamauaan ana mwakuri te Botaki n Akawa iaon te itera aio ngkai ngaia are tabe ma aio. Te Kiribati Adaptation Project bon te tabo n mwakuri are e mwanenaki man ana buoka te Global Environment Facility (GEF), man Aotiteria (Ausaid) ao ai Nutiran (NZaid).


Karekean bwaaia ni mwakuri aikai a bon bane n otinako mai imwiin

karaoakin te maroro irouia taan rabakau iaon itera aikai aika uومان bwa Naomi Biribo ibukin bwain te coastal monitoring ao ai Simon Donner ibukin bwain tutuoakin te Ane ke te Coral Reef Monitoring.

Te kantaninga bwa man te waaki aio ao baikara koaua ao kukune ake a otinako man kabonganaakin bwaaia ni mwakuri aikai ao e na rangi n ibuobuoki ibukin kawakinan mataniwiin te aba (coastal protection) ao ai ti te arona naba ma kawakinan maeuraoin taian Ane i taari.

Tabeua mai buakon bwaaia akanne ibukin te coral reef monitoring bon bwaaia n tebo ni ikotaki ma aia kaeti, kai n rawe tamnei i taari, te GPS, te laptop, te bare n tebo ao a mwaiti riki. Ibukin ngkanne te coastal monitoring ao iai te Scanner, te camera, te graphic software, blank DVDs ao a bon mwaiti riki.

Te GPS Training iroun Mark Peters



PLANNING UNIT

Karikirake iaon Auti ni Kamwaitoro.

Ae nang mwananga karaoakin aia Auti ni Kamwaitoro abamwakoro aika Tabuaeran ma Teraina.

N te mwananga aio ao a nang bane naba ni karaoaki bwaai ake a kainanoaki karaoakiia imwaain te kateitei n aron karekean te Konturaeki (Contract) ao ai ni ikotaki ma are e na karekei bwaai ni kateitei (Supplier) ibukin kangangan te oki-oki nakon taabo aikai ai ngaia are e a iangoaki bwa a bane naba n karaoaki inanon tii te mwananga aio..

E na kaainaki te mwananga aio iron Te Kateniman Tia Koroboki, Tiene Tooki, Te Senior Resource Economist ae Temarewe Tio, Taratau Kirata ao ai Tiantaake Eti man te account. Ana kitana Tarawa n kaea Kiritimati n te Kauabong ae 27 n July te wiiki ae na roko.

N reitaki riki ma karikirake iaon

Auti ni Kamwaitoro ao iai naba te tiim are e na mwananga naba nako Onotoa n bon te Kauabong naba anne ibukin nooran te uruaki n aia bwai n karao aiti bururaaki kain Onotoa. Abera Aukitino e na ira te mwananga aio man te Commerce ibukin kabwarabwaraakin karinakin aia Boboti ngkai e kakoauaaki bwa e bon tuai n kinaaki n te Commerce aia Boboti n Akawa.

Pita Iotin, Amwatia Teikarawa ao ai Iaan Namakin ake ana iri man te Botaki n Akawa. Imwiin okiia anne ao e nang manga tauraai te nako Abemama ma Aranuka ibukin manga moan aiwaeakinan aia auti ni kamwaitoro abamwakoro akanne

Te katautau bwa kawaran Abemama inanon Aokati ao n raonaki naba ma Nonouti.

Kabanea Nimaua (5) te Miniti imwain ae ko ruona Taari...



Tuoa raoi kanoan te bong bwa e raoi ke aki. Ongoraa n te reerio ibukin rongorongona



Tuangiia kain am auti am tabo n akawa ao te tai are kona oki iai.

Kabanea moa 5 te miniti imwaain ruonakin taari

Don't be a fool...

Ingo raoi ao tai riki bwa te-manna ngkoe kain te booti ae a betinako kaaina aikai.

Uringa n taai nako bwa tera ae ko riari n uotii imwaain ruonakin taari.

Don't get lost at sea !



Taraja raoi ba ana bane n toamau bwain am booti ao e na mwakuri raoi am intin.

